


बच्चन के ले बाइबिल
देत है



ज्ञानी राजा
सुलेमान



द्वारा लिखत: Edward Hughes

द्वारा चित्र: Lazarus
Alastair Paterson

द्वारा अनुकूल: Ruth Klassen

द्वारा अनुवाद करो गयो:

द्वारा बनाओ: Bible for Children
www.M1914.org


©2024 Bible for Children, Inc.
लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



राजा दाउद परमेश्वर को एकु बहुत महान सेवक हतो। बाके राज काज के समय मा, इस्राएल राजा शाउल के राज काज की तुलना मा दस गुनो बड़ो हुई गओ हतो। लेकिन अब बउ राजु-काजु नाइ समारि

सकति हतो। दाउद बूढो हुई चुको हतो। अउरु थको-थको! अउरु बीमार! बाको धत्ती पर को जीवनु आखिरी पायेदान पर हतो।







दाउद के कईअउ लड़िकन मा से एकु, अदोनिय्याह हतो, जिसने इस्राएल के लोगन कौ बताई कि अब बउ राजा बनिही। हालाँकि बाके नाउ को मतलबु "मेरो परमेश्वर ही मेरो प्रभु हइ," अदोनिय्याह बढिया आदिमी नांइ हतो। बाने छल अउरु चोरी से सिंहासनु चुरइवे की कोशति करी, जा जान्त भै कि दाउद विरोधु कन्न मा निर्बल हइ। लेकिन परमेश्वर को अपनो अलग्गइ जतनु हतो।




दाउद की दुल्हन बतशेबा कौ पता हती कि बाको लड़िका सुलेमान ही राजा बनिही। बाने अदोनिय्याह की तैय्यारिन के बारे मा दाउद कौ बताओ। जबकि बउ बहुत गंभीर रूप से बीमार हतो, तहूँ दाउद ने अपने अगुअन कौ इकठ्ठो करो अउरु सब जन्न के सामने सुलेमान कौ इस्राएल को राजा बनाइ दौ।



सुलेमान कौ अदोनिय्याह के संग मा कोई जादा परेशानी नाइ भई
क्योंकि इस्राएल के लोगन ने दाउद की बातन पर भरोसो करो। दाउद
ने उन लोगन कौ बताई कि सुलेमान कौ परमेश्वर ने राजा होंन के लै
चुनि लौ हइ। जलदिअई, दाउद की मौत हुई गई।





दाउद ने अपनी मौत से पहिले,
एक बढिया राजा बनन के लै
परमेश्वर के हुकुमन को पालन
कन्न के बारे मा सुलेमान कौ
सिखाओ हतो। दाउद ने अपने
लडिका से कही, "तुमइं सब
चीजन मा सम्पन्न होंन के लै
परमेश्वर के हिसाब से चलन
परिही।" जा एक बढिया राए
हती! तब सुलेमान अपने बाप,
दाउद के सिंहासन पर बइठो,
अउरु बाको राज्य द्रढता से
कायम हुई गओ हतो।



एक राति, सुलेमान ने एकु सपनो
देखो। बाके सपने मा परमेश्वर ने
बाई दर्शन दइ के कही, "मांगि
लेउ! हम तुमइ का देई?"
अपने लै तुम का
मांगत हउ?



सुलेमान ने एक बढिया राजा बनिये के लै
बुद्धी मांगी। नौजवान राजा ने विनती करी
अउरु बा पर परमेश्वर की दया
भई। सुलेमान ने जो मांगो
बाई परमेश्वर ने दइ
दओ अउरु बाके
संग - लेकिन
परमेश्वर ने बाई
बड़ो धनु अउरु
इज्जतिउ देंन को
बाईदा करो।



सुलेमान के ज्ञान को पता लगाउन मा लोगन का जादा समउ नांइ लगो। एक दिन, दुई महतारी बाके सामने, एक बच्चा के संग मा आई। एक अउरुत ने कही, “जा अउरुत को बच्चा राति मा मरि गओ हतो, अउरु बाने मेरे

जिन्दा बच्चा कौ उठाई लौ हइ,” अउरु बाने

अपनों मरो बच्चा मेरे तीर छोड़ि दौ हइ।

“परन्तु एक अउरु दुसरी अउरुत ने कही,

नाँही! जो जिन्दा हइ बउ मेरो बच्चा हइ,


अउरु मरो भो तुमारो हइ।” राजा कैसे

बताई सकति हतो कि बच्चा की


असली अम्मा कौन हइ?




तब राजा ने कही कि, "हमई एक तलबारि लइ देउ।" तब बई राजा
के तीर एक तलबारि लइ आए। तुमइं का लगति हइ कि राजा जा
तलबारि के संग मा का कन्न को जतनु बनाउति हतो?



राजा ने कही, "बच्चा के दुई टुकड़ा करि के बांटी देऊ अउरु एक कौ आधो अउरु दुसरियउ कौ आधो करिके दई देऊ।" तब ज़िंदा बच्चा की महतारी ने कही, "हे मेरे प्रभु, बा ज़िंदा बच्चा कौ ना मारउ, अउरु जा ज़िंदा बच्चा कौ जाई कौ दइ देऊ।"



परन्तु दूसरी अउरुत ने कही,
"कि जा बच्चा कौ न मेरो अउरु
न बाको हौंन देऊ, बाके टुकड़ा
करिके बांटे देऊ।"









तब राजा ने कही,
“पहिली अउरुत कौ
जिन्दा बच्चा दइ देऊ।
अउरु बहे बाकी असली
अम्मा हइ।” अउरु सब
इस्राएलियन ने जा
फैसला के बारे मा सुनी,
अउरु राजा की बहुतु
तारीफ़ करी। उन्ने जा
देखि कि बा मा परमेश्वर
को ज्ञानु हइ।





इस्राएल के लोगन के तीर परमेश्वर की पूजा कन्न के लै कोई मंदिरु नाँइं हतो। जब दाउद ने एकु मंदिरु बनाउन को जतनु बनाओ, तब परमेश्वर ने बासे कही हती कि, ... "तुमारो लड़िका मेरे मंदिर कौ बनईही।" जा के मारे सुलेमान ने यरूशलेम मा एक आश्चर्य चकित कन्न वाले मंदिर को कामु चालू करो।




जा मंदिर कौ बनाईवे मा
सात साल लगे हते। लेकिन
बा महान दिन पर लोग
सुलेमान कौ सुनन के लै आये
जब बउ मंदिर कौ यहोबा के
लै समर्पण कन्न बालो हतो।



एक अनोखे दुआ होंन के बादि,
राजा अउरु लोगन ने खुशी से
हजान्न की तादाति मा बली
चढ़ाई अउरु दुई हप्ता लउ बहुतु
बड़ो न्योता कत्त
रहे हते!



जा के बादि, परमेश्वर फेरि
सुलेमान कौ दिखाने अउरु बाइदा
करो कि जले लउ बई यहोबा की
बात मांत रहिइई तब लउ
परमेश्वर बाई अउरु इस्राएल कौ
आशीष देत रहिइई।




अपसोच की बात जा हइ, कि न तऊ सुलेमान ने अउरु न
इस्राएल के लोगन ने हमेशा के लै परमेश्वर की बात मानी।
राजा ने बहुत ढेर अउरुत न के संग मा बिआउ करि लौ हतो
लेकिन परमेश्वर नाई चाहत हते कि बउ इत्ती अउरुत न संग
मा बिआउ करइ। बाकी बेसहूर अउरुत न ने बाके मन
कौ मूर्तिन की पूजा कन्न के लै फेरि दौ; जिस तरह से
बाके बाप दाउद को दिलु परमेश्वर के लै इमानदार
हतो, अब सुलेमान का दिल
बइसो नाइ रहो हतो।



जले लउ सुलेमान परमेश्वर के हुकुमन को उलंघनु करिके समय बर्बादि
करो, बाके अधिकारिन मइ से एक यारोबाम ने एकु तजुर्बा करो। एक
भविष्यद्वाकता ने यारोबाम कौ बताई कि परमेश्वर सुलेमान के राज्य
कौ दुई हिस्सन मा बंटीही, बारह कुलन मइ से दस कुलन के ऊपर
यारोबाम शासक हुईही। यारोबाम जल्दिअई मिस्र मा भाजि गो।
बउ जांति हतो कि अगर बउ हुअन रुकिही
तऊ सुलेमान बाई जान से मारि दिही।





आखिर: मा सुलेमान मरि
गओ। बाके लड़िका, रहूबियाम ने,
सुलेमान की अपेक्षा मा लोगन पर
औरउ जादा बसूली करिबो शुरु
करि दौ हतो। दस कुलन ने बाके
खिलाफु बिद्रोह करो - अउरु अपनो
अगुआ होंन के लै यारोबाम कौ चुनि
लौ जैसो कि परमेश्वर के सेवक ने
कही हती, बैसोई सुलेमान
को बड़ईया राज्जू, दुई
हिस्सन मा बंटी गओ हतो।
हुकुमन को उलंघनु कन्न
बालेन कौ परमेश्वर फलबंत
नाइ करि सकत हैइ।



ज्ञानी राजा सुलेमान

परमेश्वर के वचन से बाइबिल की एक कहानी


में पायी जाती है

1 राजा 1- 12

“तुमहोर शब्द के प्रवेश से रोशनी मिलत है।”

भजन ११९:१३०






समाप्त



22



60



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढे और हर एक दिन परमेश्वरी से बातें कराओ! यूहना ३:१६

